

# **REFERAT MAA - Meeqqanut Atuarfeqarnermullu Ataatsimiititaq d. 08-09-2021**

**Mødedato** Onsdag d. 08. september 2021 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Atuarfeqarnermut suliassa qarfimmi IT-politikki ataatsimoorussaq nutaaq attartornermullu isumaqat	6
MISIp 2020-mut ukiumoortumik nalunaarusiaanik ilisimatitsissut.....	8
Arsummi angerlarsimaffimmi paarsisartoqarnerup ammaqpinneqarnera.....	11
Professorimik University of Hawaiiimeersumik suleqatiginnilerneq pillugu ilisimatitsissut.....	14
Mindfulness-ip meeqqat atuarfiini atornerqarsinnaalernissaanut siunnersuut.....	18
Ulluunerani paaqqinnittarfiit aamma Kalaallit Nunaanni Timersoqatigiiffiit Kattuffiata akornanni ti	22
Imaqarniliap akuerineqarnera.....	26

## **Punkt .: Saqqaa**

### **Ilaasortat:**

Juaaka Lyberth (IA) *Siulittaasog*

Poul Petersen (D)

Mia Skifte (IA)

Emanuel Nüko (N)

Dorthe-Marie Morgensen-Fontain (S)

### **Beslutning**

#### **Peqataasut:**

Poul Petersen (D) *Siulittaasup tullia*

Lone Rosengreen (IA)

Avaaraq S. Olsen (IA)

Dorthe-Marie Morgensen-Fontain (S)

#### **Ataatsimeeqataasinnaanatik nalunaartut:**

Juaaka Lyberth (IA) *Siulittaasog*

Mia Skifte (IA)

Emanuel Nüko (N)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.

# Punkt .: Nalunaarutit

## Beslutning

### Siulittaasumit nalunaarutit:

- Qapiarfiusaami meeqqerivimmi Timmiaaqqani sulisoq meerarlu ataaseq Covid-19-imik tunillatsissimasut paasineqarmat, Corona pillugu Allatseqarfik isumasioqatigalugu meeqqerivik marlunngornermi misissuinerit inernerisa takkunnissaasa tungaanut marlunngorneq pingasunngornerlu matoqqatinnearpoq. Tamatuma kingorna matoqqanera sivitsorneqassanersoq aalajangiiffigineqassaaq. USK-mi atuartoq ataaseq tunillatissimasutut nalunaarutigineqarpoq, klassialu angerlartitaasimallutik.

### Ingerlatsivimmiit nalunaarutit:

- Atuarfeqarnermut Immikkoortortaarfik aamma Ulluunerani neqeroorutinut immikkoortorta q sapaatip-akunnera una Tasiilaliassapput, tassanilu nakkutilliinerit kiisalu ingerlatsiviup suliassa qarfiinut takorluukkat, suliassat anguniakkallu misissorneqassapput kiisalu suliffeqarfiit namminneq takorluugaannik suliassaannillu suliagarneq aallartinneqassalluni.
- Ingerlatsiviup ulluunerani neqeroorutinut tunngasunik ataatsimiititap immikkut sammisaqarnissaanut siunnersuutit sularai. Ingerlatsiviup suliassa qarfimmil suliniutit assigiinngitsut misiligutitut ingerlappai, tassanngaaniillu misilittakkat suliassa qarfimmil immikkoortumut pilersaarummi ilanngunneqassapput. Taakku ingerlatsivimmit misissorneqassapput taamalu immikkoortumik pilersaarummik suliagarnermi siusissukkat ataatsimiititap peqataatinneqarnissaa qulakkeerneqassaaq. Immikkut ittumik sammisaqarnissaaq ukiaanerani ukiuuneraniluunniit kommunalbestyrelsip ataatsimiinneranut atatillugu ingerlanneqarnissaa siunnersuutigineqarpoq.

# **Punkt 1: Atuarfeqarnermut suliassaqarfimmi IT-politikki ataatsimoorussa nutaq attartornermullu isumaqatigiissutip nutarternera**

## **Beslutning**

Ilisimatisissut tusaatissatut tiguneqarpoq.

## **Bilag**

Ipadinik tunniussinermut atatillugu attartornermut isumaqatigiissut nutartigaq

Kommuneqarfik Sermersuumi Atuarfeqarnermut suliassaqarfimmi tamanut IT-politikki



# Atuarfeqarnermut suliassa qarfirmi IT-politikki ataatsimoorussa q nutaaq attartornermullu isumaqatigiissutip nutarternera

Ilisimatitsissut

SagsID.: EMN-2021-13729

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

## Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

## Suliassamik saqqummiussineq

Atuarfeqarnermut Immikkoortortaqarfik kommunimi inatsisileritooq suleqatigalugu atuarfeqarnermut suliassa qarfirmi nutaamik ataatsimoorussamik IT-politikkimik suliaraqpoq. IT-politikkip nutaap atuarfinni politikkit taarserpai, atuarfeqarnermut suliassa qarfirmilu IT-mik atuinermik tunngaviusumik najoqqutassaassallunilu ilitsersuutaassaaq.

IT-politikkip nutaap ilaatut attartornermut isumaqatigiissutip, atuartut atuartitsinermi atugassaannik lpadinik tunisikkaangamik ator neqartartup, nutarsarneqarnissaa pisariaqarsimavoq. Attartornermut isumaqatigiissummi nutaami inatsisit, ilaatigut atuartut lpadinik aserortoqarneranut tunngasut, erseqqissarneqarput.

Taamaattumik kommunimi meeqqat atuarfiini atuartut tamarmik lpadinik tunineqarsimasut angajoqqaavisa attartornermut isumaqatigiissut nutaaq atsioqqissavaat. IT-politikki nutaaq, attartornermut isumaqatigiissut nutartigaq ilanngullugu, angajoqqaanut agguanneqassaaq.

## Ingerlatsivimmit aningaasatigut sulisoqarnikkullu naliliinerit

Pisariaqanngilaq.

## Suliffeqarfirmut Kiffartuussivimmit aningaasatigut naliliineq

Pisariaqanngilaq.

## Inatsisitigut tunngavissaq allakkallu tunngaviusumik uppernarsaatitallit

- o Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

## Ilanngussat

1. lpadinik tunniussinermut atatillugu attartornermut isumaqatigiissut nutartigaq
2. Kommuneqarfik Sermersuumi Atuarfeqarnermut suliassa qarfirmi tamanut IT-politikki

## **Punkt 2: MISIp 2020-mut ukiumoortumik nalunaarusiaanik ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

MISIp 2020-mut ukiumoortumik nalunaarutaa



## MISlp 2020-mut ukiumoortumik nalunaarusiaanik ilisimatitsissut

Ilisimatitsissut

SagsID.: EMN-2020-01461

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- MISlp 2020-imut ukiumoortumik nalunaarusiaa tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

MISI – Meeqqanut Inuusuttunullu siunnersuisarfik, 2020-mut ukiumoortumik nalunaarusiorsimavoq. MISlp 2020-mi nalunaarusiamini ukiup ingerlanerani ilinniartitsisunut 76-eriarlutik siunnersuisimanertik, 30-riarlutik perorsaarnermik sulialinnut siunnersuisimanertik ,angajoqqaanut 211-riarlutik siunnersuisimanertillu kiisalu 71-eriarlutik misissuinernik suliaqarsimanertik nassuiaatigisimavaa. Tamatuma saniatigut qanoq kikkullu MISlmut saaffiginnissinnaanersut kiisalu Kommuneqarfik Sermersuumi MISlp kiffartuussinerit sorliit innuttaasunut neqeroorutigisarnerai nalunaarusiami nassuiaatigineqarpoq. Aammattaaq ukiumoortumik ”immikkut atuartitsisarneq” kiisalu 2020-mi suliassat allat MISlmit suliareneqarsimasut nassuiaatigineqarput.

2020-mi suliat misissuiffigisassat utaqqisut ikilisarniarlugit MISlp sulissutigivai, tamannalu iluatsippoq. Ukioq kingulleq piffissami tassani utaqqineq qaammatit sisamat missaanniittartumut sanilliullugu, 2020-p naanerani misissuinissamat utaqqineq qaammatinik pingasunik sivisussuseqarpoq.

2020-p ingerlanerani MISlp Tasiilami Alivarpi tikeraarpat, tassani perorsaarnermut aamma tarnip pissusaanut tunngasunik misissuisoqarpoq siunnersuisoqarlunilu. Covid-19 pequtaalluni taanna MISlp sulianut atatillugu angalanituaraa.

Aaqqiissutissatut siunnersuut – suliatigut naliliineq

Ukioq 2020 suliassarpassuarnik pissanganartunik ulikkaarsimavoq. MISlmit saaffiginnissutit amerlimerat maluginiarneqarpoq, ingammik angajoqqaanit MISlmit siunnersortikkusuttunik. 2015-ip missaani MISlmi suleriaaseq allangortinneqarpoq; 2015-ip siorna MISlp (saaffiginnittullu) meeraq ”ajornartorsiutitut” isigisarpaat, tamannalu arlalitsigut tarnip pissusaatigut paasinnittaatsimik misiliinermik kinguneqartarpoq. 2015-ip kingorna MISlp eqqarsartariaaseq allangortippaa imaalillugu ”*ajornartorsiummik misigisaqartoq tassaavoq ajornartorsiutilik*”. Tassa imaappoq, MISlp saaffiginnittut, meeraq ulluinnarni ikiorsinnaanersammassuk, perorsaanikkut iliuuserinnaasaannik siunnersuisarneq pingaartinnerulerpaa. Tamanna tunngaviusumik MISlp saaffiginnissutini tamani meeqqap inuttut ajornartorsiutitut isiginnikkunnaarnikuuneranik isumaqarpoq, inersimasulli ajornartorsiutitut misigisartagaat perorsaanikkut iliuuseqarnikkut inersimasunit iluarsineqarsinnaasutut taamalu meeqqap ulluinnarni inuuneranut ikiorsiillutik.

2015-imiit siunnersuisarnerit pillugit kisitsisit atorlugit nassuiaasiernerit misissornerini takusinnaavarput suleriaatsit MISlmit allangortinneqarneri, perorsaanikkut sulisunit, ilinniartitsisunit angajoqqaanillu, tigulluarneqarsimasut.

Ingerlariaqqinnissaq



2021-mi MISIp suleriesini pitsanngorsarniarpa taamaasilluni atuisunut minnerunngitsumillu meeqqanut sullissinertik annertunerulersinniarlugu. MISIp immikkut ittumik atuartsinermut aamma allatut immikkut perorsaanikkut ilinniartitsinikkullu ikiorsiisarneq immikkorluinnaq ukkanniarpai taamaasilluni suleriesertik PPR-imut isumaqatigiissut nalunaarullu naapertorlugit sulerieseqarniassagamik.

MISImit Nuummi atuarfinni takussaanerunissaq pitsaaliuinissarlu pingaarnertut kissaatigineqarput. MISIp nutaatut MISImi sulisut "suleqatigiikkuutaarlugit" (tarnip pissusaanik ilisimasalik aamma meeqqanut inuusuttunullu siunnersuisoq), Atuarfinni pisortaqtigiinnik ukiumut 8-10-riarlutik killiffiit pillugit ataatsimeeqateqartittarniarpai. Ataatsimiinnerit taamaattut Atuarfimmi pisortamut atuarfimmi sulianik ingerlasunut malinnaatitsinerulissaaq. Tassuunalu Atuarfimmi pisortaq qaammammi tulluuttumi MISImit suliassanik pingaarnersiuinissamut sunniuteqaqataasinnaalissaaq. Taakkua saniatigut ukiumoortumik SP-mik ingerlatsinerit MISImit pitsanngorsarneqarsinnaasorineqartut pitsanngorsarneqassapput.

Nuup avataani atuarfinni pisortanut ukiumoortumik 8-10-riarluni avitseqatigiinnerit oqarasuaatikkut imaluunniit TEAMSikkut ingerlanneqarsinnaasut neqeroorutigineqassapput. Atuarfinnut Nuup avataaniittunut ulluinnarni MISIp takussaanerunissaa ataqatigiissaarineq peqqutaalluni piviusunngorsinnaanngilaq, taamaakkaluartorli atuarfiup pisortaanit pingaartinneqarpat ilinniartitsisut oqarasuaatikkut imaluunniit TEAMSikkut siunnersorneqarnernik assigisaanillu neqeroorfigineqarsinnaapput. Atuarfiit Nuup avataaniittunut sulianut atatillugu tikeraartarnerit suli aamma ingerlanneqassapput.

MISImi suleriesinik allannguinerit 2021-mi immikkoortumi pilersaarummi takuneqarsinnaassapput.

### **Ingerlatsivimmit aningaasatigut sulisoqarnikkullu naliliinerit**

MISIp 2021-mi missingersuutit eqquutsinnissai naatsorsuutigaa.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq § 5, imm. 3, normu 4.
- Atuarfik pillugu Inatsisartut inatsisaat nr. 15, 3. december 2012-imeersoq. § 38, normu 4. Uaniippoq Meeqqat atuarfianni immikkut atuartsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.
- PPR-imik isumaqatigiissut; Kalaallit Nunaanni Kommunalbestyrelsit sinnerlugit KANUKOKA-mut isumaqatigiissutaasoq, tassani pineqarpoq Perorsaanikkut Tarnip Pissusaatigut Siunnersuisarfik pillugu kiisalu meeqqat atuarfianni immikkut atuartsisarneq aamma allamik immikkut ittumik perorsaanikkut ikiorsiisarneq pillugu kommuninut (Namminersorlutik Oqartussanit) nassuiaat 1. januar 2012-imit atuutilersoq.

### **Ilanngussat**

1. MISIp 2020-mut ukiumoortumik nalunaarutaa.

## **Punkt 3: Arsummi angerlarsimaffimmi paarsisartoqarnerup ammaqinneqarnera**

### **Beslutning**

Inassuteqaat akuersissutigineqarpoq.

## Arsummi angerlarsimaffimmi paarsisartoqarnerup ammaqpinneqarnera

Aalajangiiffigisassaq

SagsID.: EMN-2021-13796

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- suliaq akuersissutigineqassasoq
- suliaq siulleq peerneqassasoq

### Suliassamik saqqummiussineq

Kingullermik ataatsimiititap ataatsimiinnerani aggustip 4-ni ilaasortat Arsummi angerlarsimaffimmi paarsisartoqarnerup matuneqarnissaa akueraat suliarlu Kommunalbestyrelsimut ingerlateqqillugu. Piffissap ingerlanerani paarsisartoqarnissaanik pisariaqartitsisoqalerpoq nunaqarfimmi meeqqat marluk paarititarnissamat allatsimmata. Meeqqap aappaa paarsisartuusimasup qitornaraa, meeqqallu aappaa nunaqarfimmi nutaajulluni.

Kommunip nunaqarfiini meeqqat allatseqqasut apeqqutaatinnagit paarsisartoqarnissaa ingerlatsivimmit kissaatigineqarpoq, taamaattumik angerlarsimaffimmi paarsisarnerup piaarnerpaamik ammaqpinneqarnissaa ingerlatsivimmit innersuussutigineqarpoq. Ammaqpinnermi angerlarsimaffimmi paarsisartumik nutaamik atorfinitsitsisoqassaaq siusinnerusukkut angerlarsimaffimmi paarsisartuusimasoq piffissap ingerlanerani allamik suliffeqalersimammat.

Suliaq siulleq (EMN-2021-12571) Kommunalbestyrelsimi ulloq 31/8 oqaluuserineqassaaq, taamaattumik suliaq peerneqassasoq aamma ingerlatsivimmit innersuussutigineqarpoq.

### Ingerlatsivimmit aningaasatigut sulisoqarnikkullu naliliinerit

Arsummi angerlarsimaffimmi paarsisarnerup ammaqpinneqarneranut aamma sulisumik nutaamik ataatsimik atorfinitsitsinermut atatillugu akissarsianut aningaasartuutit akileraarutit ilanngaatinnginnerini ukiumut imaassapput: 246.024 kr. Aningaasaliissutit immikkoortinneqareerput.

Akiliutitigut kommunip isertitassai massakut imaalerput meeqqanut marlunnut ukiumut 14.784 koruunit. Meeqqap aappaanut tunngatillugu akiliisoqassanngilaq angajoqqaat ukiumut aningaasarsiaat 149.999 koruunit ataanniimmata. Akiliut ataavartumik naleqqussarneqassaaq.

### Suliffeqarfimmut Kiffartuussivimmit aningaasatigut naliliineq

Arsummi angerlarsimaffimmi paarsisarneq atoqqilerneqassasoq innersuussutigineqarpoq, Meeqqanut Atuarfeqarnermullu Ingerlatsivimmit angerlarsimaffimmi paarsisarnermut siusinnerusukkut aningaasat immikkoortinneqarsimasut utertinneqassapput, taamaalillunilu angerlarsimaffimmi paarsisarneq missingersuutaareersut iluini pilerseqpinneqarsinnaavoq.

### Inatsisitigut tunngavissaq allakkallu tunngaviusumik uppernarsaatillit

- o Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq



**Ilanngussat**  
Ilanngussaqaanngilaq.

## **Punkt 4: Professorimik University of Hawaiiimeersumik suleqatiginnilerneq pillugu ilisimatitsissut**

### **Beslutning**

Inassuteqaat akuersissutigineqarpoq.

### **Bilag**

Dr. Yamauchip qinnuteqaataa



## Professorimik University of Hawaiiimeersumik suleqatiginnilerneq pillugu ilisimatitsissut

Aalajangiiffigisassaq

Suliamut ID: EMN-2021-13531

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ulluunerani neqeroorutunut tunngasunik ilisimatusartoqarnissaa akuersissutigineqassasoq
- angalanissamat ingerlatsiviup aningaasatigut tapiissuteqarnissaa akuersissutigineqassasoq

### Suliassamik saqqummiussineq

Ingerlatsivik siusinnerusukkut ilisimatitsissuteqarnikuvoq (2020-mi ukiakkut), tassanilu Dr. Yamauchip Kommuneqarfik Sermersuup ulluunerani neqeroorutaanni 2021-imi aggustimiit-oktobarip tungaanut nammineq kajumissutsimik sulinissaminut qinnuteqaataa allaaserineqarpoq. Tamanna ingerlatsivimmiit akuersissutigineqarpoq, tassami Dr. Yamauchi nammineq aningaasaateqarfinnut qinnuteqarluni angalanissani najugaqarnissanilu akilertussaammagit.

Kingusinnerusukkut ingerlatsiviup misissuinermit paasivaa, Nunanut allanut aqutsisoqarfik naapertorlugu ilaatigut kommunini nammineq kajumissuseq tunngavigalugu sulisutut atorfinitsitsisoqarsinnaanngitsoq, taamaaliortoqassappallu, pineqartoq suliaminut akilerneqartussaasoq. Taamaasilluni Dr. Yamauchi Nuuliarsinnaasimangilaq, namminerlu kajumissutsiminik ulluunerani neqeroorutini sulisinaanani.

Taamaattumik Dr. Yamauchi maanna Ilisimatusarfimmi ilisimatusartutut Nuuliarnissaminik qinnuteqaateqarpoq, atualertussallu meeqqat 0-iniit 6-inut ukiullit pillugit misissuiffiginarlugit, aamma Kommuneqarfik Sermersuup iluaqutigisinnaasaanik.

1. Tunngaviit tassaavoq meeqqanik siunnerfilimmik imaqarluartunillu sammisassaqartitsinermi ilisimatusarnermi atorussaq, ilinniarsimasunit ilinniarsimangitsuniillu atorqarsinnaasoq. Tamanna ingerlanneqassaaq meeqqerivinni 3-4-ni aqutsisut sulisullu qanimut suleqatigalugit. Taamaasilluni perorsaanermit siunnersortut Tunngaviit atorqarnissaannut ikorfartussavai, sulisut meeqqat nuannersunik imaqarluartunillu sammisaqartitsineranni sulinerminnik ineriartortitsinissaannik malinnaaffigissallugit. Dr. Yamauchi siornatigut atuartitsinikuvoq aammalu Ilinniartitaanermut Aqutsisoqarfik suleqatigalugu misissuiniikuulluni aammalu kulturikkut naleqqussaanerit suliarisimallugit, Tunngaviit meeqqanik siunnerfilimmik imaqarluartunillu sammisassaqartitsinermi atorqarsinnaasut. Tunngaviit atornerisigut ilisimatusarnikkut paasineqarnikuvoq meeqqat mikinerit sulisullu attaveqaqatigiittarnerat pitsanngortinneqartartoq, aammalu Tunngaviit meeqqat oqaatsimikkut ineriartortineranni ikorfartuutaasartut. Tassani perorsaasunut siunnersortit, meeqqerivinni aqutsisunik ikorfartuinissaminut sungiusaassapput, taakkualu sulisut meeqqat ineriartortineranni perorsaanikkut piginnaasaannik ineriartortitsinissaannut ikorfartuisuussallutik. Taamaasilluni meeqqat tamarmik siusissukkut suliniuteqarfigineqarnissaat anguneqassaaq, pingaartumillu meeqqat immikkut ittunik pisariaqartitsisut.



2. Ilikkagassatigut, itisuumik ilisimasaqarnikkut tigussaasumillu allanngui neq tunngavigalugit ilisimatusarneq atorlugu suliniuteqarneq. Tassani Dr. Yamauchi meeqqerivinnik suleqateqassaaq, meeqqerivik suliffigisartik tassanilu sulisut ilikkagassatigut siuarsaaffigissallugit. Ilikkagassatigut, itisuumik ilisimasaqarnikkut tigussaasumillu allanngui neq tunngavigalugit ilisimatusarneq atorlugit meeqqerivinni aqutsisut suleqatigalugit anguniagaat pisariaqartitaallu tunngavigalugit suliniummik suliaqarniarpoq. Aqutsisut anguniagaat pisariaqartitaallu ulluinnarni sulineranni qanoq atuutilersinneqarsinnaanersut suullu anguneqarsinnaanersut Dr. Yamauchip misissorniarpaa. Perorsaannermi siunnersortit ilisimatusarnermi peqataatinneqassapput, taamaasillutik ilikkagassatigut, itisuumik ilisimasaqarnikkut tigussaasumillu allanngui neq tunngavigalugit ilisimatusarneq taakkua meeqqerivimminni aqutsisuminnik ikorfartuinissaq sungiusarniassammassuk.
3. Dr. Yamauchi ilisimatusarnermini tikitamini inuiaqatigiit qanimut suleqatigalugit tamatigut ingerlatsisarpoq. Ilisimatusarnermini periutsini kulturi inuiaqatigiillu naleqqussartarpai. Aamma Kommuneqarfik Sermersuumi ilisimatusarnermini taamatut periuseqarnissaa naatsorsuutigineqarpoq.

Ilisimatitsissutitut oqaatigineqassaaq, Ilinniartitaanermik Aqutsisoqarfik maanna Ulluunerani neqeroorutitut fagcheffi suleqatigalugu Dr. Yamauchi sulisuilu persorsaasut ilinniaqqittarfianni Akademisk Diplom- og master qaaqusatut ilinniartitsisusarsimmata.

Dr. Yamauchi, udviklingspsykologiusoq aammalu University of Hawaii-mi professoriusoq, septembarimiit 2022-mut appakaanneq ilanngullugu ullut 80-it tikillugit ilisimatusarnissaminik neqerooruteqarpoq.

Septembarip qiteqqunneraniit qaammatit pingasut ilisimatusarnissaa innersuusutigineqarpoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersooq Dr. Yamauchip Kommuneqarfik Sermersuumi ilisimatusarneranut akiliuteqassanngilaq. Taamaakkaluartoq qinnuteqaatigaa angalanissani Københavnimi lu piumasaqaataasut malillugit Nunatsinnukannginnermini PCR testertinnissaminut ullut marluk kommunip akilissagai.

Siumut/utimullu Honolulu-København 16.000 kr.

Ullut marluk Københavnimi ineqarneq 4.000 kr.

Siumut/utimullu København - Nuuk 9.000 kr.

Aningaasartuutissat katillugit: 29.000 kr.

Suliniutip tapersornissaanut taamatut aningaasartuuteqarnissaaq Kommunimut iluaqutaalluassasoq ingerlatsivimmiit nalilerneqarpoq, tassami aqutsisut sulisullu ilinniarteqqinneqarnissaat ingerlatsiviup anguniagaasa ilagimassuk. Kommune piginnaasalimmit sulianullu tunngassutilimmik ilisimatusartoqarnissaanut angusaqassaaq, kinguninnguatigut meeqqerivinni atuutilersinneqartussamik.

### **Suliffeqarfimmut Kiffartuussivimmit aningaasatigut naliliineq**

Meeqqanut Atuarfeqarnermullu Ingerlatsiviup University of Hawaii suleqatigippagu annertunerusumik aningaasatigut kinguneqassanngilaq. Suleqatigiinnermut atatillugu aningaasartuutaasinnaasut ingerlatsiviup missingersuutaasa iluannit akilerneqarsinnaapput.

### **Inatsisitigut tunngavissaq allakkallu tunngaviusumik uppersaatillit**



Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq, kap. 1, §1 aamma §2, 1-5

### **Ilangussaq**

1. Dr. Yamauchip qinnuteqaataa

## **Punkt 5: Mindfulness-ip meeqqat atuarfiini atorneqarsinnaalernissaanut siunnersuut**

### **Beslutning**

Inassuteqaat akuersissutigineqarpoq, ima allannguutitalerlugu: Ingerlatsivik misissuissaaq siunnersiorluni aaliangiiffigisassatut, mindfulness pilot-projekt-tut atorneqarnissaanut atuarrfimmi ataasiusumi, tassaniilu periuousissamik siunnersuusiussapput qanoq mindfulness atorneqarsinnaanersoq. Tassanngaaniillu aaliangiiffigineqarumaarpoq qanoq ingerlariaqittoqassanersoq mindfulness pillugu.

Siunnersuut mindfulness pillugu qaqeqqissaaq Meeqqanut Atuarfeqarnerlu Ataatsimiitsitaliami siunnersuummik pilersaarusioreerpata Meeqqanut Atuarfeqarfimmilu Immikkoortortaqarfimmiik.



## **Mindfulness-ip meeqqat atuarfiini atorneqarsinnaalernissaanut siunnersuut**

Kommunalbestyrelsimi ilaasortap Dorthe-Marie Fontain-Mogensenip (S) Meeqqanut Atuarfeqarnermullu Ataatsimiititamut siunnersuutaa

Aalajangiiffigisassaq

Suliamut ID:

Suliffeqarfimmu Kiffartuussivik - Kommunaldirektøriugallartoq Marie Fleischer / MAFL

### **Inassuteqaat**

Suliffeqarfimmi Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimi ilaasortaq Dorthe-Marie Fontain-Mogensen (S) 4. juuni 2021-mi aalajangiiffigisassatut siunnersuummik Meeqqanut Atuarfeqarnermullu Ataatsimiititamut nassiussaqarpoq. Dorthe-Mariep Mindfulness-ip meeqqat atuarfiini eqqunneqarnissaanut periarfissat Ataatsimiititap oqaluuserissagaa kissaatigaa.

Siunnersuutigineqarneranut tunngavilersuut:

”Mindfulness tassaavoq eqqarsartaatsikkut imminut naalaarsinnaanissamut sungiusaat, misissuinerillu takutitaat annertupput qanoq atuartunut iluaqutitaqartiginersaq. Qallunaat nunaanni naalakkersuisut tapiissuteqarnikuupput ilinniartitsisut neqeroorfigalugit mindfulness-imut ilinniartinneqarnissaannut. Meerartatta eqqarsartaatsimikkut peqqissusaat pitsanngorsartariaqartut ullumikkut pissutsit assigiinngitsut takuttarpaat, soorlu aserorterinerit, persuttaanerit, ilinniartitsisut uippakajaarnermik napparsimalersut assigisaalu. Uanilu tigulaariffigaara Århus Universitetimi ilinniartitsisunut neqeroorutaasimasoq:

Mindfulness atuarfimmi skiiimami

”Dansk Center for Mindfulness Folketingip iliuusissanut aningaasaliissutaanit 12,5 mio. kr.-nik ilinniartitsisut mindfulness-imik atuartunik ilinniartitsisinnaanissaannut atugassanik pissarsivoq. Ilinniarniq meeqqat inuusuttullu tarnikkut nukittussusaannik ineriartortitsillunilu nukittorsaassaaq.

Suliniuteqarnermi siunertaq

Meeqqat amerliartuinnartut uippakajaartalerput. Meeqqat siusissukkat tarnikkut peqqissutsiminnik sungiusaasarnissaminnut ilisimannilerpata, ilinniarnermi inersimasutulluunniit uippakajaartunngornissaat siusissukkat pinaveersaartissinnaavarput. Tamanna sulisutigut aningaasatigullu sipaaruteqarfiussaaq.

Meeqqat klassini mindfulness-imik atuiffiusuni atuartut, klassinut atuiffiunngitsunut sanilliullugit atugarissaarnerusut misissuinerit takutippaat Misiliinikkut ilinniartitsisut atuartullu akornanni uippakajaarnerup annikillisinissaa atugarissaarnerulersitsinissarlu kissaatigaarput. “

[https://mindfulness.au.dk/fileadmin/mindfulness.au.dk/Skole\\_folder.pdf](https://mindfulness.au.dk/fileadmin/mindfulness.au.dk/Skole_folder.pdf) ”

Atuartut assigiinngitsorpassuartigut ulluinnarni inuuniarnermikkut atukkatik aallaavigalugit atuariatortartut taamaasillugit pitsaasumik inooqataanissaanut kommuneqarfik sermersuumi aqutissiuussinnaalissavagut. Uani atuarfinni atorfeqartitaasut kvalitetsskoleudviklerit atoluarlugit atuartut pitsaasumik eqqarsartaatsimikkut ulluinnarni inooqataalernissaannut akisussaaffimmik tigusiilluta iliuuseqarsinnaavugut.

Tamanna aningaasaliiffigineqarnissaannut siunnersuuteqarnitsigut ingerlasinnaavoq ilinniartitsisut kvalitetsskoleudvikleritut atorfeqartut ilinniarnissaannik misissuititsinikkut. Taassumalu saniatigut Naalakkersuisunut saaffiginnissuteqarsinnaanissatsinnik periarfissamik ujartuerusuppunga, inatsisitigut pituttugaanerput tunngavigalugu: Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq kap. 8 § 38

”Kommunalbestyrelse, tak. § 43, imm. 1, pisussaavoq isumagissallugit:

2) atuartunut peqqissuunissartik atugarissaarnissartilunniit pissutigalugit sivilisunerusumik atuarfimmi atuartinneqarsinnaanngitsunut atuartitsinissaq. Taamatut atuartitsineq atuartut angerlarsimaffiini, paaqqinniffimmi imaluunniit napparsimmavimmi kommunimi atuartup najugaqarfigisaani neqeroorutigineqassaaq,”

Isumaqarpunga una aallarniutitut misissuititsinissaq pitsaasuussasoq tamanut. Tassa inuiaqatigiinnut, atuartunut, ilinniartitsisunut aammalu siunissamut ungasinnerusoq eqqarsaatigalu tamatsinnut.

Atuartut klassini amerlasuujullutik susassareqatigiinnerat pitsanngorsarniarlugu sakkussatsialassuuvoq tamanna, taamaasillutik atuartut amerlanerungaartut atuartinneqarnerminni pissarsiassaat annertusaavigineqassammata. Nalunggisakkalu naapertorlugit kalaallisut oqaasertalinnik aamma pisiassaqarpoq meeqqanut sungiusaataasunik.

Tamatumunnga atatillugu nammineq taanna atortarlugu, atuartunullu iluaqutaasoq ilisimatitsissutigerusuppara. Atuaruutima akornanni pimmatiginnittoqartanngilaq (klassip iluani), atuartut imminnut inissaqartittut ersarippoq, malunnarporlu atuartut misigissutsitigut paasinnissimassusaat ineriartorsimasoq.

Suliniut sukumiisumik misissussagissi assut kissaatigaara, internetsimi paasissutissarpasuaqarpoq, tutsuiginartumillu misissuinerit amerlapput. Uagut suliniuteqartussaavugut, uagut akisussaaffimmik tiguisussaavugut.

Aaqqiissutissatut siunnersuut – suliatigut naliliineq  
Meeqqanut Atuarfeqarnermullu Ingerlatsivik atuarfinnut siunnersortit peqatigalugit mindfulness-ip atuarfinni atorneqarnera pillugu suliatigut naliliisimavoq:

- Mindfulness ilinniartitsisunut amerlasuunut sakkussaalluassaaq, annermik klassini amerlasuunik atuartulinni ulapaarfiusartuni.
- Klassini ilinniartitsisunut kiisalu isumaginninnermi siunnersortinut/atuarfinnik ineriartortitsisartunut tamanut neqeroorutigineqassappat, kikkullu tamarmik DK-mukassappata nunaannukassappata, akisussaaq. Taamaattumik immaq internitsikkut pikkorissaasoqarnissaanut neqerooruteqartoqarsinnaassaaq.
- Atuarfimmi fagisut akunnermik ataatsimik sivilisussuseqassappat, ilinniartitsisut arlallit pikkorissartinneqassapput. Kommunalbestyrelsip tamanna kissaatigissappagu, ilikkagassatut siunnerfiliortoqaqqaassaaq il.il.
- Pikkorissaanertut ingerlanneqarpat, atuarfiit nammineq ilinniartitsiffigisaannik, suliniutit takkuteriarlutik ingerlaqqittut ilaattut inissinnissaa aarlerinaateqarpoq.
- Isumaginninnermi siunnersortit pikkorissarneqassappata, ukiup ingerlanerani qaqugkulluunniit pikkorissarneqarsinnaapput. Meeqqanullu tamanut atorsinnaassavaat.

### **Ingerlatsivimmit aningaasatigut sulisoqarnikkullu naliliinerit**

Meeqqanut Atuarfeqarnermullu Ataatsimiititaq atuartitsinermut akunnermik atuartitsiffimmik ataatsimik ilassuteqarnissap qanoq akeqarnissaanik naatsorsuisimavoq:



Klassit nalinginnaasut 151-iupput klassillu immikkut ittumik atuartitsiffiusut 37-iullutik. Akunneq atuartitsiffiusoq 45 minutsinik sivilissusilik amerlisaaserlugu 1,41 tiiminik sivilissuseqarpoq.

2015-imi agguaqatigiissillugu akunnermusiat tassaapput - 190,19  
 $(151+37) * 1,41 * 190,19 = 50.415,57$  kr.

Matumani fagimik ilassuteqartoqassappat, tamanna ukiumut imatut akeqassaaq: 50.415,57 kr.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq

### **Inatsisitigut tunngavissaq allakkallu tunngaviusumik uppersaatitalit**

- Atuarfik pillugu Inatsisartut inatsisissaattut siunnersuut nr 15, 3 December 2012-imeersoq kap 8 § 38
- Kommunalbestyrelsip suleriaasissaatut aalajangersagaq §3

### **Ilanngussat**

Ilanngussaqaanngilaq.

## **Punkt 6: Ulluunerani paaqqinnittarfiit aamma Kalaallit Nunaanni Timersoqatigiiffiit Kattuffiata akornanni timimik aalatitsinerup pingaartinneqarnissaa pillugu suleqatigiinneq**

### **Beslutning**

Inassuteqaat akuersissutigineqarpoq.

### **Bilag**

Sammisassanut karsit missingersuutaat



## **Ulluunerani paaqqinnittarfiit aamma Kalaallit Nunaanni Timersoqatigiiffiit Kattuffiata akornanni timimik aalatitsinerup pingaartinneqarnissaa pillugu suleqatigiinneq**

Aalajangiiffigisassaq

J.nr.: EMN-2021-11714

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- suliaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

IA-p Demokraatit aamma Naleqqap 2021-2025-imut suleqatigiinnissamik isumaqatigiissutaannit ersersinneqarpoq Kommuneqarfik Sermersooq GIF-p nunarsuarmi aalanerpaajunissamik suliniutaanik tapersersuissasoq taamaattumillu tamanna Kommuneqarfik Sermersuup ulluunerani paaqqinnittarfiinut periusissaanut ilanngunneqassasoq .

Politikkikkut anguniakkanik Meeqqanut Atuarfeqarnermullu Ingerlatsiviup piviusunngortitseqataanissamik pingaartitsineranut ingerlatsiviup nammineq anguniagaasa ilaannut tulluurtuuvooq, tassa meeqqanik alapernaatsunik, tatituunik, peqqissunik aamma nuannaartunik pilersitsinissaq.

2020-mi januaarimiilli Meeqqanut Atuarfeqarnermullu Ingerlatsivik Kalaallit Nunaanni Timersoqatigiit Kattuffianik (GIF) suleqateqarpoq suliniummik aallartitsinissaq qitiutillugu, ulluunerani paaqqinnittarfinni aalanerulernissaq sammisassaqaarnerulernissarlu anguniarlugit. 2020-mi GIF-imiit nalunaarusiap "Meeraaqqerivinni aalaneq" takutippaa ilaatigut nuna tamakkerlugu sulisut 46 %-iinit timi atorlugu aalanissamat atortussanik amigaateqartoqartoq 27%-illu timimik aalatitsinissamat isumassaaleqisut.

Qallunaat Nunaanni suliffeqarfik KidsSport peqatigalugu Meeqqanut Atuarfeqarnermullu Ingerlatsivik aamma GIFsammisassanut karsit ulluunerani paaqqinnittarfinnut suliarineqassapput.

Karsit immikkut qulequtaqartassapput timilu atorlugu sammisassanut atortussanik imaqtartassapput, kiisalu sammisassanut kortinik, qulequtarineqartumut tulluurtunik. Isumaavoq, sulisut annerusumik ilisimasaqanngikkaluartulluunniit ajornanngitsunnguamik sammisassanik meeqqanut aallartitsinnaanissaat, aalanermik nuannaarnermillu pilersitsisumik.

Ullumikkut Kommuneqarfik Sermersuumi ulluunerani paaqqinnittarfinni tamani sapaatip akunneranut pilersaarusiornermi perorsaataasumik timersorneq ilaatinneqartarpoq. Peqatigitillugu ulluunerani paaqqinnittarfinni tamani sulisut 1-2 perorsaataasumik timersornermik ilinniartinneqarput taamaattumillu paaqqinnittarfiminni aalatitsinissamat peqataanermi sungiusimasaqarput. Naatsorsuutaavoq sammisassanut karsit nutaamik isumassarsiorititsinissaat sammisassanullu atortussaqaarnissaq, taamaalillutillu timi atorlugu sammisassaqaarnissamat aalanissamullu peqataatitsinissaasa pingaartinneqarnissaat.

Sammisassanut karsit sunik imaqarpat?

Karsi ataaseq atortussanik, qulequttamat tulluurtunik, aamma sammisassanut kortinik imaqarpoq. Paaqqinnittarfiit immikkut karsinik 5-inik tunineqassapput. Innersuussutigineqarpoq paaqqinnittarfiit tamarmik, meeqqat peqatigalugit, karsinik qaammat ataaseq allortarlugu poortuisarnissaat. Pissanganermik, nuannaarnermik nutarterinermillu pilersitsiumalluni taamatut iliortoqartassaaq.



Qulequttat ingerlatsiviup GIF-illu suleqatigiillutik toqqarsimasaat tassaapput:

- Inuit pinnguaataat
- Apummi aalaneq apuserinerlu
- Meeraaqqerivik / maluginiutitut poortugaq
- Poortukkat marluk timersornermeersut, assersuutigalugu assammik arsarneq imaluunniit badminton.

Sammisassanut kortiniipput naatsumik oqaasertaliussat asserlu, pinnguartutut ittut, sungiusaatit suut atortoqarluni sammineqarsinnaanersut. Sungiusaatit minutsini 10-ni 30-nilu siviutigisumik ingerlanneqarsinnaapput. Taakkua saniaatigut sungiusaammi perorsaanermut suut eqqarsaatigineqarnersut kortip tunuani naatsumik allassimavoq.

Kortit tamarmik kalaallisut qallunaatullu allassimassapput, Kalaallit Nunaannilu pissutsinik aallaaveqartinneqarlutik takutinneqassapput.

Sooq sammisassanut karsit?

Sammisassanut karsit ulluunerani paaqqinnittarfinni ajornanngitsumik pisariitsumillu aalatitsinissamik pilersitsinissaat siunertarineqarpoq. Siunertaavoq paarlattaasoq ilinniagaqanngitsoq aallat ilinniartinneqarani karsimit kortimik tiguisinnaassasoq meeqqallu sammisassaannik aallartitsilluni.

Sammisassanut karsit aamma aalanissamut nutaanik isumassarsisitsinissamik siunertaqarput, aammali perorsaanermik suliallit amerlanerusut peqataatinneqalernissaannik. Karsit atornissaannut ilinniarsimasuusariaqanngilaq, taamaallaat ullormi piffissaqarnissaq aamma meeqaat pinnguarumatuut kisimik.

Karsit qanoq atuutilersinneqassappat?

Ingerlatsivimmit aamma GIF-imit pingaartinneqarpoq karsit pitsaasumik atuutilersinneqarnissaat. Sammisassanut karsit ulluunerani paaqqinnittarfinnut akeqassanngillat. Taamaattorli pisussaaffiliivoq sulisunik marlunnik ullup qeqqata siornatigut piareersimasoqarnissaannik, tassani GIF-imi sulisoq karsit atornissaannik ilitsersuissammat. Taassuma kingorna sulisut taakku karsit qanoq atorneqarnissaat pillugu suleqatiminnut siammarterissapput.

GIF aamma ulluunerani paaqqinnittarfinni marlunni sulisunut takutitsiartussapput meeqqanillu pinnguaqateqarlutik. Taamatut pisoqarnerani ingerlatsivimmi perorsaanermik siunnersortit aamma peqataatinneqassapput. Perorsaanermut siunnersortit aamma ilinniartinneqassapput, kingornalu najoqqutassap Nuup avataani ulluunerani paaqqinnittarfinnut siammarterneqarnissaa akisussaaffigissavaat nakkutilliaartorlutik angalanerminnut atatillugu. GIF kommunimi angalanerminnut atatillugu aamma taamatut iliussapput.

GIF-imit sammisassanut karsit paasititsiniutigineqarnerannut video Malou Media-mut suliakkiutigineqassaaq. Taamatut iliortoqassaaq ulluunerani paaqqinnittarfiit karsinik atuinissaannut kajumissaarumallugit suliniutigineqartullu ilisimaneqalernissaa pillugu. Saniatigullu ingerlatsivimmit kissaatigineqarpoq, video pillugu, kommunimi ulluunerani paaqqinnittarfiit pitsaasumik oqaluttuarineqarnerisa siammarterneqarnissaa aamma perorsaanermik suliallit suliarfik pillugu tulluusimaaruteqarnissaat.

Ingerlatsivimmit, aqutsisut ataatsimiitinneqarneri aqutitigalugit, aqutsisunik oqaloqateqartoqartassaaq, sammisassanut karsit atorneqarnerinik ingerlaavartumik malitseqartitsilluni.

Piffissaq eqqarsaatigineqartoq

Naatsorsuutigineqarpoq karsit 2022-p qiteqqunnerani atuutitinneqalernissaat.

Meeqqanut Atuarfeqarnermullu Ingerlatsivik ingerlaavartumik sammisassanut karsit atorneqarnerannik malinnaassaaq, 2023-llu qiteqqunnerani/naalernerani suliniut nalilersuiffigineqassaaq. Ulluunerani paaqqinnittarfiit sammisassanut karsinik arlaqarnerusunik



piserusussappata, tamatumani periarfissat ingerlatsivimmit misissorneqassapput, ulluunerani paaqqinnittarfiit namminneq missingersuutaat tunngavigalugit. Kommuneqarfik Sermersooq suliniummut kommuniussaaq piareersarfiusoq, Kalaallit Nunaata sinneranut siammarterneqarsinnaasoq.

Innuttaasunik peqataatitsineq

Sammissassanut karsit ulluunerani paaqqinnittarfinni aqutsisut ataatsimiinnerini saqqummiunneqarput. Sungiusaatit ilai tassani pinnguarineqarput najoqqutarlu naliliiffigineqarluni. Siunnersuut tapersorsorluarneqarpoq.

### **Ingerlatsivimmit aningaasatigut sulisoqarnikkullu naliliinerit**

Ilanngussami missingersuut takuuk.

GIF aamma Kommuneqarfik Sermersooq ataatsimoorlutik suliniutip ineriartortinneqarneranut 100.000 kr.-nik aningaasaliipput, immikkut 50%-imik tapiissuteqarlutik. Taakkua saniatigut Arctic Sport 30.000 kr.-nik matussusiivoq aningaasallu sinneri 70.000 kr.-it Nunafondenimut qinnutigineqarput.

Suliniuummut Nunafonden tapeerusungippat taava ingerlatsivik aningaasatigut periarfissarsiuussaaq Paamiuni meeqqerivimmi inip ataatsip matusup aningaasartai aqcutigalugit (suliassamik saqqummiussineq takuuk: EMN-2021-12696)

Taakkua saniatigut Kommuneqarfik Sermersooq oqalutsimik aamma perorsaanermik suliallit sammissassanut karsit atorneqarnissaannut pikkorissarneqartussat akissarsiaannut tapiissuteqassaaq.

### **Suliffeqarfimmut Kiffartuussivimmit aningaasatigut naliliineq**

Nalilerneqarpoq Meeqqanut Atuarfeqarnermullu Ingerlatsiviup suliniutigineqartoq missingersuutaareersut iluini aningaasaliiffigisinnaagaa, taamaattumillu suliniutigineqartoq aallartinneqarsinnaavoq.

### **Inatsisitigut tunngavissaq allakkallu tunngaviusumik uppersaatitalit**

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.

### **Ilanngussat**

1. Sammissassanut karsit missingersuutaat

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal.: 14:43.